



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.550/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Milena Đerić kryesues, Faton Ademi dhe Adnan Konushevci, anëtarë, duke vendosur lidhur me apelin e parashtruar nga Ali Krasniqi, kandidat për kryetar të komunës Obiliqit, paraqitur ndaj Vendimit të KQZ-së, me Nr.2115-2021 të datës 28.08.2021, për shkak të mos certifikimit për pjesëmarrjen në Zgjedhjet Lokale 2021, që do të mbahen me datën 17 Tetor 2021, në seancën e panelit të mbajtur me 31.08.2021, mori këtë:

V E N D I M

REFUZOHET i pabazuar apeli Anr.550/2021 i datës 29.08.2021, i parashtruar nga Ali Krasniqi, kandidat për kryetar të komunës së Obiliqit, nga radhët e subjektit politik Alenaca për Ardhmërinë e Kosovës (AAK), paraqitur ndaj Vendimit të KQZ-së, me Nr.2115-2021 i datës 28.08.2021, për shkak të mos certifikimit për pjesëmarrjen në Zgjedhjet Lokale 2021, që do të mbahen me datën 17 Tetor 2021.

A r s y e t i m

Me datë 29.08.2021 PZAP-i ka pranuar një apel nga Ali Krasniqi, kandidat për kryetar të komunës së Obiliqit, nga radhët e subjektit politik AAK në të cilin pretendon se për shkak të një dënimi trafiku i cili ka ndodhur në vitin 2017 dhe sipas nenit 93 paragrafi 2 dhe neni 96 paragrafi 2 nuk parasheh shlyerjen nga këto vepra që nga viti 2019, andaj kërkon nga KQZ të marrë parasysh kërkesën e tij dhe të certifikohet.

PZAP-i me datën 29.08.2021 ka dërguar Komisionit Qendror të Zgjedhjeve (KQZ), kërkesën për përgjigje në ankesë. Zyra për Regjistrimin e Partive Politike ZRPPC-KQZ, ka bërë përgjigjen në ankesë më datën 30.08.2021, në të cilën theksohet se në kuadër të obligimeve ligjore sipas nenit 29 të Ligjit të Zgjedhjeve të Përgjithshme-LZP, Zyra ka bërë verifikimin e dokumentacionit të gjithë kandidatëve nëse të njejtit kanë ndalesa që do të ia bënin të pamundur kandidimin e tyre për Zgjedhjet Lokale 2021.

Mëtutje në përgjigje të KQZ-së thuhet se në kuadër të verifikimeve, Zyra me datë 22 Gusht 2021, i ka dërguar shkresë Këshillit Gjyqësor të Kosovës që ti siguroj KQZ-së, se emrat e individëve nga lista e tyre që me vendim të gjykatës iu është hequr e drejta për të qenë kandidat apo janë shpallur fajtor për veprat penale me një vendim përfundimtar të gjykatës në 3 vitet e fundit.

Më datë 23 Gusht 2021, Zyra për certifikim, nga KGJK, ka pranuar shkresën me të cilën kandidati Ali Krasniqi, kandidat për kryetar të komunës së Obiliqit, është identifikuar se është i dënuar me Aktgjykim të Plotfuqishëm Pnr.1740/2018 të datës 12.03.2019.

Më tutje në përgjigjen e ZRPPC-së theksohet se Zyra përmes personit kontaktues ka komunikuar me subjektin politik AAK duke e njoftuar për të gjeturat dhe duke i kërkuar që të njehtin ta zëvendësoj, në të kundërtën ai do të rekomandohet për moscertifikim dhe subjekti politik AAK brenda afatit ligjor ka sjellur zëvendësimin. Pas procesit të verifikimit, kandidati i zëvendësuar është rekomanduar për certifikim. KQZ ka certifikuar kandidatin e zëvendësuar me datë 28 gusht 2021

Paneli, pasi që shqyrtoi dhe vlerësoj apelin, gjeti se:

Apeli është i pabazuar

Paneli, vlerësoj lejueshmërinë e apelit dhe ka ardhur në përfundim se i njëjti i plotëson kushtet e përcaktuara me nenin 122 të LZP-së dhe nenin 10 të Rregullës Nr. 02/2015- Rregullat dhe Procedurat e PZAP-it.

Pretendimet ankimore të parashtruesit të apelit se nuk pajtohet me vendimin e marr nga KQZ-ja, lidhur me refuzimin për certifikimin e tij për garën e kandidatëve për kryetar komune në Obiliq, për shkak të një dënimi trafiku i cili ka ndodhur në vitin 2017.

Paneli vlerëson se pretendimet e parashtruesit të apelit janë të paqëndrueshme dhe të pabazuara në ligj, sepse neni 29 par.1 pika q) i LZP-së, përcakton se cilido person, emri i të cilit paraqitet në Listën e Votuesve, është i përshtatshëm për certifikim, përveç nëse personi është shpallur fajtor për vepër penale me një vendim përfundimtar të gjykatës në tri (3) vitet e fundit, siç edhe është në rastin konkret ngase parashtruesi i apelit me Aktgjykimin e plotfuqishëm Pnr. 1740/2018 të datës 12.03.2019 me të cilin është shpallur fajtor për vepër penale.

Mbi këtë bazë, Paneli konstaton se KQZ-ja, me rastin e marrjes së vendimit Nr.2115-2021 të datës 28.08.2021 drejt ka zbatuar dispozitën ligjore të nenit 29 par. 1 pika q) të LZP-së, pasi që i njëjti është shpallur fajtor për vepër penale me aktgjykim përfundimtar në tri (3) vitet e fundit, sipas Aktgjykimit të plotfuqishëm Pnr.1740/2018 të datës 12.03.2019, dhe me këtë vendim të KQZ-së i cili ishte i rekomanduar nga ana e ZRPPC-së, i njëjti nuk është certifikuar dhe se çdo pretendim në apel mbi këtë bazë është i paqëndrueshëm.

Fakti se parashtruesi i apelit pretendon se dënimi i shqiptuar është një dënim trafiku i cili ka ndodhur në vitin 2017, për Panelin rrethanat e tilla nuk krijojnë mundësi për përshtatshmërinë e kandidatit bazuar në kufizimet e përcaktuara në nenin 29 par 1 pika q) të LZP-së, nga se kjo dispozitë ka përcaktuar tri kritere, që të jetë shpallur fajtor për vepër penale, që të jetë dënuar në tri vitet e fundit dhe që vendimi të jetë i formës së prerë, për pasoj në rastin konkret që të tri këto kritere ligjore plotësohen dhe shlyerja nga evidenca e të dënuarve ka efekt për të drejtat që janë

humbur si pasojë e dënimit penal, ndërsa sipas LPZ-së, për tu certifikuar kandidati për deputet duhet shikuar vetëm se a plotësohen këto tri kriteret ligjore nga neni 29.1. pika q) të LPZ-së.

Prandaj, nga arsyet e theksuara më lart si dhe duke u bazuar në dispozitat e nenit 117 par.3, 118 par.1, 122 par.1 pika b) të LPZ-së, si dhe neni 11 par.6 të Rregullës Nr.02/15 të PZAP-it, vendosi si në dispozitiv të këtij vendimi.

Në pajtim me nenin 115.1 lidhur më nenin 118.1, 118.5 të LPZ-së, është vendosur si në dispozitiv të këtij vendimi.

Paneli Zgjedhor për Ankesa dhe Parashtresa

Anr. 550/2021 më datën 31.08.2021.

Kryesues i Panelit

Milena Đerić



Këshillë Juridike: Kundër këtij vendimi është e lejuar ankesa sipas **nenit 118 par. 4** të LPZ-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimimit të këtij vendimi.